

Naqqiissut

Siunnersuummut 18. augusti 2022-meersumut taarsiissut

(Inatsisissatut siunnersuutip aamma nassuaatip kalaallisoortaani teknikkimut oqaatsinullu tunngasunik iluarsiisoqarpoq)

Siunnersuummut nassuaatit

Nassuaatit nalinginnaasut

1. Aallaqqaasiut

Siunnersuutip saqqummiunneqartup siunertaraa Nuup kiisalu Qasigiannguit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaanni (sanaartornissamut inatsit) ilaasunik erngup nukinganik nukissiorfiliornissat aningaasaliiffiginissaannut pitsaanerpaamik aningaasaqarnikkut atugassarititaasut annertusineqarnissaat isumaqatigiissuteqarsinnaanissarlu.

Siunnersummi periarfissinneqarput:

- Sanaartornissamut suliniutinut aningaasaliinissamut pisariaqartinneqartut matussusernissaat Danmarkip naalagaaffianit aamma/imaluunniit aningaasarsiutigalugu taarsigassarsitsitsartuni avataanit aningaasaliisartunit taarsigassarsinikkut aningaasaliissuteqarnikkut.
- Naalakkersuisut taarsigassarsiarineqartut Nukissiorfinnut imaluunniit aktiaatileqatigiiffimmut Namminersorlutik Oqartussanit pigineqartumut taarsigassarsiariteqqissinnaagaat.
- Sanaartornissamut inatsimmi ilaasut erngup nukinganik nukissiorfinnut sanaartukkat, aningaasaliinerit ingerlatsinerillu aktiaatileqatigiiffimmut Namminersorlutik Oqartussanit pigineqartumut tamakkiisumik ilaannakortumilluunniit tunniunneqarsinnaassasut.
- Nukissiorfinnut imaluunniit aktiaatileqatigiiffimmut Namminersorlutik Oqartussanit pigineqartumut naalagaaffimmit taarsigassarsitseqqiinissaq pillugu isumaqatiginninniarlunilu isumaqatigiissuteqarsinnaaneq.

2. Siunnersummi immikkoortut pingaarerit

2.1.1. Pisinnaatitaaffik atuuttoq

Inatsimmi atuuttumi (sanaartornissamut inatsit) § 5 imm. 1-imi aamma 2-mi aalajangersarneqarpoq, Naalakkersuisut annerpaamik katillugit 3,1 mia. kr. DKK-nik akiitsoqalerlutik taarsigassarsisinnaasut aamma Naalakkersuisut imm. 1 naapertorlugu taarsigassarsiatik Nukissiorfinnut taarsigassarsiariteqqissinnaavaat inatsimmi ilaasunik sanaartornissanut suliniutit aningaasalersornissaannut. Sanaartornissamut inatsit landskarsip taarsigassarsiaanik Namminersorlutik Oqartussat aktieselskabiutaanut taarsigassarsititseqqiinissamut pisinnaatitsinermik imaqanngilaq, aalajangersakkami Nukissiorfiit Namminersorlutik Oqartussanit namminersortitatut aaqqissuussaasoq taamaallaat taaneqarsimammat. Nukissiorfiit landskarsi avaqqullugu sanaartornissamut aningaasaliissutissanut namminneerlutik taarsigassarsisinnaanngillat. Aalajangersakkap tamatuma ingerlaqqittumillu malitsigisaani naalagaaffimmit taarsigassarsinermut inatsit naapertorlugu naalagaaffimmit taarsigassarsianik Nukissiorfimmut taarsigassarsititseqqiisoqarsinnaanngilaq.

Sanaartornissamut inatsimmi § 6-imi aalajangersakkami aalajangerneqarpoq Naalakkersuisut sanaartornissamut, aningaasaliinermut ingerlatsinermullu namminersortumik ataatsimik arlalinnilluunniit isumaqatigiissuteqarsinnaasut. Aalajangersakkami tassani BOT-mik isumaqatigiissuteqarsinnaaneq perarfissaqartinnejqarpoq. BOT-mik isumaqatigiissutip nassatarisaanik Namminersorlutik Oqartussat erngup nukinganik nukissiorfinnik atortuinillu aningaasaliinermut, pilersitsinermut ingerlatsinermullu avataani aningaasaliisartunik isumaqatigiissuteqarsinnaapput kiisalu Namminersorlutik Oqartussanut taakkuninnga piffissami aalajangerneqarsimasumi tunniussineq pillugu. Isumaqatigiissuteqarnermi erngup nukinganik nukissiorfinnik pilersitsinermut ingerlatsinermullu atatillugu piffissami aalajangerneqartumi navianaateqarsinnaasunut avataanit aningaasaliisut akisussaaffimmik tiguseqataassapput piginneqataallutillu, ilutigitilluguli aningaasaliisoq missingersuutinik qaangiinerni ingerlatsinermilu navianaateqarsinnaasunik tigusinikkut iluanaaruteqarnissaq naatsorsuutigisinnaassallugu.

2.1.2. Siunnersuut

Inatsisisstatu siunnersuummi Naalakkersuisut aningaasalersuinissaq pillugu Naalagaaffimmik isumaqatiginninniarnissamut annertusisamik pisinnaatinnejqassapput, tassuunakkut Nukissiorfinnut imaluunniit Namminersorlutik Oqartussat selskabiutaannut sanaartornissamut aningaasaliinissamut il.il. Naalagaaffiup taarsigassarsititseqqiisinnaalernissaanut tunngavissamik aqqutissarsiusallutik. Naalagaaffimmit taarsigassarsititseqqiineq aningaasarsiutigalugu taarsigassarsitsisartunut sanilliullugit qularnannngilluinnartumik appasinnerusumik ernialerlugu pisinnaassaaq.

Naalakkersuisut Danmarkimi Finansministeriamut saaffiginnissuteqarpoq naalagaaffimmit taarsigassarsinissaq pillugu oqaloqatigiinnissaq siunertaralugu. Ulloq 14. marsi 2022 qanoq

pilersaaruteqarnermik nalunaaruteqartoqarpoq, tassani Danmarkimi naalakkersuisut Naalakkersuisullu isumaqatigiissutigalugu Finansministeriamit Aningaasaqarnermullu Naalakkersuisoqarfimmit ataatsimut paasiniarneqassasoq Kalaallit Nunaanni erngup nukinganik nukissiornissamik suliniutinut aalajangersimasunut aningaasaliinermut atatillugu Danmarkip peqataasinnanera - taamaassinaappallu qanoq - misissuiffiqineqassasoq.

Naalagaaffik taarsigassarsititseqqiisinjaavoq - imaappoq finansministeriap taarsigassarsiai kingorna naalagaaffiup suliffeqarfiutanut selskabiutaanullu il.il. taarsigassarsiariteqqinneqartunik – naalagaaffiup taarsigassarsinissamut pisinnaatinneqarnera pillugu inatsit nr. 1079, 22. december 1993-imeersumi kingornalu allanguuteqartumi (naalagaaffimmit taarsigassarsineq pillugu inatsit) aamma naalagaaffiup suliffeqarfiutat aasiakkat selskabiutaalu il.il. pillugit immikkut inatsimmi pisinnaatinneqartunik.

Naalagaaffiup ingerlatseqatigiiffiinut il.il. naalagaaffiup taarsigassarsititseqqinnissaanut tamatumunnga isumaqatigiissuteqarsimanissaq tunngavissaatinneqarpoq, tassani tamatumunnga atugassaritaasut aalajangersarneqarsimassallutik. Aningaasaliinissamut isumaqatigiissuteqarnissamik aalajangiineq aningaasaliinermut aningaasaliussanullu pilersaarutinik taarsigassarsisumit suliarineqartunik kingornalu naalagaaffimmit akuerineqartunik tunngaveqassaaq. Nukissiorfiit imaluunniit Namminersorlutik Oqartussat selskabiutaat pilersaarummi akuerineqartumi najoqqtassiat tunngavigalugit taarsigassaarsissapput.

Aningaasaliinermut pilersaarut katillugit aningaasaliiffiqineqarnissamik pisariaqartinneqartunik sanaartornissamut inatsimmi ilanngunneqartunik ilaqaassaaq. Aningaasaliinissamut aningaasalersuinissamullu pilersaarummik ukiumoortumik akuersinermut atatillugu taarsigassarsiat qanoq annertutigisut naalagaaffimmit taarsigassarsiarineqarnissaannik qinnuteqartoqarnissaanik tamatumanilu taarsersuinissamik isummertoqarsimanissaanik piumasaqaatitaqarpoq. Tamatumunnga atatillugu suliffeqarfiup naalagaaffimmit taarsigassarsinissamut atugassaritaasut aalajangersarneqassapput. Naalagaaffimmit taarsigassarsinermut piumasaqaataavoq ataavartumik erniaqarlutillu akilersorneqassasut. Taarsigassarsianut erniat ilaatigut taarsigassarsiat akilersornissaannut piffissaliussamut taarsersuinerullu isikkuanut takussutissaassapput, taarsigassarsiat akilersorneqarsinnaanngimmata naalagaaffiup taarsigassarsinermi atugassaritaasunit pitsaanerusumik atugassaqartoqarsinnaanngimmat.

Sanaartornissamut inatsit naapertorlugu sanaartornissat aningaasalersorneqarnissaannut Nukissiorfinnut imaluunniit Namminersorlutik Oqartussat selskabiutaannut naalagaaffimmit taarsigassarsiteqqinneqarnissamik isumaqatiginninniarlunilu isumaqatigiissuteqarsinnaassagaanni naalagaaffimmit taarsigassarsineq pillugu inatsimmi

taarsigassarsititseqqiinermut piumasaqaatinik naammassinnittunik atugassarititaasunik piumasaqaatinillu isumaqatiginninniarnissaq pisariaqassaaq. Siunnersummi pisinnaatisissummik ilanngussisoqarpoq Naalakkersuisut siunertamut tassunga sanaartornissamut suliniutip aaqqissuussaaneranik inatsisitigullu atugassarititaasunik nalimmassaanissamut pisinnaatinneqassallutik, tamatumunnga ilanngullugu Namminersorlutik Oqartussat aktieselskabiutaanut suliassanik sanaartornissamut inatsimmi ilaatinneqartunik tamatumunngalu atatillugu aningaasartuutinik tunniussisoqassanersoq. Suliassat sanaartornermut inatsimmi pineqartunut ilaasut isumaginissaat siunertaralugu aktiaatileqatigiiffimmik pilersitsinissamut, sanaartornermullu aningaasartuutinut tamatumunnga atasunut inatsimmi tunngavissaqalersitsinissaq tamatumani pisariaqartussaavoq.

Sanaartornissamut suliassanut sanaartornissamut inatsimmi ilaatinneqartunut aningaasaliinermi isumaqatiginninniarnerni taarsigassarsinermilu piumasaqaatinik aalajangiinerni pissutsit arlallit Naalagaaffimmit avataaniillu taarsigassarsitsisumit allamit pingartinneqassapput. Taamaalilluni aningaasaliisussap naliliineranut ilaatigut sunniuteqarsimavoq erngup nukinganik nukissiorfimmi suliad Nukissiorfiup suliaanit allanit avissaartinneqarsinnaanersut, taarsigassarsinermi pigisat qularnaveeqqutigineqarsinnaanersut, Namminersorlutik Oqartussat aktieselskabiutaannut inatsisitigut atugassarititaasut aamma selskabip aningaasanngorlugu nalinga. Aningaasaliinerup naalagaaffimmit taarsigassarsinikkut aningaasalersuinerillu allat atorlugit pissarsiarineqarsimancerat taarsigassarsiisumut aamma isumaqarsinnaavoq.

Inatsisisstatut siunnersummi Naalakkersuisut pisinnaatinneqaassapput piumasaqaatit tunngaviusut arlaqartut aaqqiissuteqarfinginissaannut saaffiginninnissamut isumaqatiginninniarnissamullu, tamatumunnga ilanngullugu qulaani taaneqartutut sapinngisamik pitsaanerpaamik atugassaqarluni taarsigassarsisinnaanissamut.

3. Pisortanut aningaasaqarnikkut allaffissornikkullu kingunerisassai

Siunnersuut tunngaviusumik aningaasaqarnikkut naatsorsuutinut sanaartornissamut inatsimmi tunngavigneqartunut allannguinaviangilaq siunnersuullu taamaallaat sanaatornissami suliassat aningaasalersorneqarnissaannut isumaqatiginninniarnissamut isumaqatigiissuteqarnissamullu annertusisamik atugassaqartitsissaaq aamma siunnersuut taamaallaat naalagaaffimmit taarsigassarsititseqqiinermut aningaasaliiffinniillu allanit taarsigassarsinermi piumasaqaatit naapertorlugit sanaatornissamut suliassanut aningaasaliinissamut isumaqatiginniarnernut isumaqatigiissuteqarnissanullu annertusisamik

atugassaqarnissamik nassataqarluni. Siunnersuut taamaammat pisortani aningaasaqarnikkut allaffissornikkullu kinguneqarnavianngilaq.

4. Inuussutissarsiortunut aningaasaqarnikkut allaffissornikkullu kingunerisassai
Siunnersuut inuussutissarsiortunut kingunerisassaqaanngilaq.

5. Avatangiisinut, pinngortitamut inuillu peqqissusaannut kingunerisassai
Siunnersuut avatangiisinut, pinngortitamut imaluunniit inuit peqqissusaannut kingunerisassaqaanngilaq.

6. Innuttaasunut kingunerisassai
Siunnersuut innuttaasunut aningaasaqarnikkut imaluunniit allaffissornikkut kingunerisassaqaanngilaq.

7. Allatigut kingunerisassai pingaaruteqartut
Siunnersuut allatigut pingaaruteqartunik kingunerisassaqaanngilaq.

8. Oqartussaasunut soqutigisaqaqtigiiffinnullu il.il. tusarniaaneq
Siunnersuut piffissami 2022-mi ulloq 3. juli 2022 aallarnerfigalugu ulloq 3. august 2022 tungaanut soqutigisaqartunut makkununnga tusarniaassutigineqarpoq:
Avannaata Kommunia, Kommune Qeqortalik, Qeqqata Kommunia, Kommuneqarfik Sermersooq, Kommune Kujalleq, KANUNUPE, SIK, GE, Mittarfeqarfiiit, Nukissiorfiiit, Royal Arctic Line A/S, Asiaq, Grønlandsbanken A/S, BankNordik, Visit Greenland, Transparency Greenland, WWF Greenland, KNAPK, Pinngortitaleriffik, Timmiaq, KNI A/S aamma Nunatta Katersugaasivia Allagaateqarfialu.

Tamatuma saniatigut siunnersuut piffissami matuma siuliani taaneqartumi tusarniaanermut nittartakkami pissarsiarineqarsinnaasimavoq.

Tusarniaanermut akissuteqaatini tiguneqartuni immikkoortut pingarnerit ilanngussaq 2-mi matuma kingulianiittumi eqqartorneqarput oqaaseqarfingineqarlutillu.

Siunnersuummi aalajangersakkanut ataasiakkaanut nassuaatit

§ 1-imut

Nr. 1-imut.

Aalajangersagaq Nukissiorfinnut imaluunniit Namminersorlutik Oqartussat aktieselskabiutaanut sanaartornissamut suliniutinut aningaasartuutinullu sanaartornissamut inatsimmiittunut landskarsip taarsigassarsiaanik taarsigassarsititseqqinnissamut Naalakkersuisunut pisinnaatitsivoq. Aalajangersakkap sanaartornissamut inatsimmi § 5-imi aalajangersagaq atuuttoq ingerlateqqippaa § 5 imm. 2-mi imaattumik allannguiteqarluni Naalakkersuisut Namminersorlutik Oqartussat aktieselskabiutaannut taarsigassarsititseqqiisinhaassasut.

Nunatta karsiata taarsigassarsinera kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi (missingersuutinut inatsit) § 6-imi killissaliussat iluanni pissaaq. Nalilerneqarpoq sanaartornissamut inatsisip ilaatum sanaartornissamik suliniutinik tamakkiisumik aningaasalersuinissamut Namminersorlutik Oqartussat aktieselskabiutaannut taarsigassarsineq missingersuutinut inatsimmi § 6-imi piumasaqaatinik Inatsisartut inatsisaanni atuuttumi oqaaseqaatini itinerusumik nassuiarneqarsimasunik naammassinnissasoq.

Nr. 2-mut.

§ 6-imi aalajangersagaq atuuttoq atorunnaarsinneqassaaq. § 6-imi atuuttumi aalajangersakkap Naalakkersuisut sanaartukkanik sanaartornissamut inatsimmi ilaatinneqartunik sanaartornissamik, aningaasaliinermik ingerlatsinermillu namminersortumik ataatsimk arlalinnilluunniit BOT-mik isumaqtigisiissuteqarnissamik pisinnaatippaa. BOT-imik isumaqtigisiissuteqarneq aningaasaqarnikkut pitsaannginnerusutut nalilerneqarpoq BOT-imillu suliarinnittussarsiorneq erngup nukinganik nukissiorfilornissap kinguartinneqaratarsinnaaneranik nassataqarsinnaalluni. Taakku tunngavigalugit aalajangersakkap atuuttup atorunnaarsinneqarnissaa siunnersuutigineqarpoq.

(§ 6 imm. 1-imut)

Aalajangersakkatut siunnersuutigineqartoq Naalakkersuisut suliassat §§ 2-4-mi ilaatinneqartut aningaasartuutillu taakkununnga attuumassuteqartut Namminersorlutik Oqartussat tamakkiisumik ilaannakortumilluunniit aktieselskabiutaannut tunniunneqarnisaannik aalajangiisinhaatippaat. Pisinnaatitsineq naalagaaffimmit taarsigassarsititseqqiinermi atugassarititaasut pillugit isumaqtiginninniarernut imaluunniit taarsigassarsitsisunik allanik isumaqtiginninniarernut atatillugu atuutissaaq. Naalakkersuisut atuuffik tamanna

Namminersorlutik Oqartussat aktieselskabiisa ukiumoortumik ataatsimeersuarneranni atussavaat Naalakkersuisullu atuuffimminnut tassunga atatillugu selskabip aaqqissuussaanikkut atugassarititaanut aalajangiisinnassaapput, tamatumunnga ilanngullugit sanaartornissamut inatsisip siunertaanik naammassinnissamut inatsillu naapertorlugu sanaartornissamik suliniutit aningaasalersornissaannut taarsigassarsinissamut piumasaqaatinik naammassinnissinnaasunik ileqqoreqqusani, aqutsinermik il.il, aalajangersaanermi. Suliassat §§ 2-4-mi pineqartunut ilaasut tunniunneqarnissaannut, erngup nukinganik innaallagissiorfinnik sanaartornermut inatsimmi pineqartunut ilaasunik sanaartornissaq, aningaasalersuinissaq ingerlatsinissarlu siunertalarugu aktiaatileqatigiiffimmik Namminersorlutik Oqartussanit pigineqartumik pilersitsinissamut inatsimmi tunngavissaqalersitsinissaq pisariaqartussaavoq.

(§ 6 imm. 2-imut)

Siunnersuutigineqarpoq Naalakkersuisut Namminersorlutik Oqartussat aktieselskabiutaanni, sanaartornissamut inatsit naapertorlugu erngup nukinganik nukissiorfinnik sanaartornermut, aningaasaliinermut ingerlatsinermillu suliassanik tunineqartunut, aningaasaatit pillugit isumaqatigiissuteqarnissamut imaluunniit aningaasatilluunniit amerlinissaannut pisinnaatinneqassasut. Aningaasaatit amerlineqarnerat nalilinnik erngup nukinganik nukissiorfiit pigisaanik tunniussinikkut imaluunniit aningaasanik piginneqatigiissutinik tunniussinikkut aningaasanilluunniit taarsigassarsititsinikkut pisinnaavoq. Selskabip aningaasaataasa annertussusaannik aalajangersaaneq katiterinerlu taarsigassarsitinneqarnermi piumasaqaatinut aalajangiisuussapput, pissutsillu taakku taarsigassarsititsisunik isumaqatiginninniarnermi isumaqatiginninniutigineqassallutik, naalagaaffimmit taarsigassarsititseqqiineruppat avataaniilluunniit taarsigassarsititsartunit taarsigassarsineruppat.

(§ 6 imm. 3-imut)

Siunnersuutigineqarpoq Naalakkersuisut nunatta karsiata taarsigassarsinissaanut killissaliussat 3,1 mia. koruunit inatsimmi § 5, imm. 1-imi aalajangersarneqartut iluanni Namminersorlutik Oqartussat aktieselskabiutaanni taarsigassarsianut qularnaveeqqusiisinnaanermik pisinnaatinneqassasut. Namminersorlutik Oqartussat selskabiutigisat taarsigassarsiaannut qularnaveeqqusiinnginnissamik tunngavik ukiorpassuarni aalajangiusimavaat. Illersorneqarsinnaasumik ingerlatsinerup qulakteerneqarnissaanik selskabini siulersuisut ukkataqarnissaat tamatumani qulakteerniarneqarsimavoq, tamatumunnga ilanngullugu aktieselskabit pillugit inatsit naapertorlugu ilaatigut pilersaarutit, missingersuutit assigisaallu malitseqartinneqartarnissaa, kiisalu selskabit akiliisinnassaassuseqarnerat, pisiniarluni inniminniinerit, pingarnertut aalajangiinerit, sillimmasiisarfinni atugassarititaasut tamakkiisut, aningaasaqarnikkut atugassarititaasut, aningaasat ingerlaarnerat immikkullu navianaateqartut pillugit nalunaarusiat isummerfigineqarlutik. Namminersorlutik Oqartussat

avataanit taarsigassarsitsisartunit Namminersorlutik Oqartussat aktieselskabiutaannut taarsigassarsianut qularnaveeqqusiiinerat taarsigassarsitsisartut piumasaqaatinik isumaqatiginninniarnerni ilaatinneqarsinnaavoq.

Erngup nukinganik nukissiorfinnik pineqartunik sanaartorneq nunap soqtigisaanut qanoluunniit tunngaviusorujussuussapput, suliniutillu aningaasaqarnikkut kipusuussappata Namminersorlutik Oqartussat akisussaatinneqarnissaat naatsorsuutigineqarsinnaassalluni.

§ 2-mut

Aalajangersakkami siunnersuutip ulloq atuutilerfissaallassimavoq. Inatsisartut inatsisaanik allannguutip ulloq 1. decembari 2022 atuutilerneqarnissaaiunnersuutigineqarpoq.

ILANNGUSSAQ 1

Inatsisissatut siunnersuut inatsimmut atuuttumut sanilliullugu	
<i>Oqaasertat atuuttut</i>	<i>Inatsisissamut siunnersuut</i>
	<p style="text-align: center;">§ 1</p> <p>Nuup kiisalu Qasigiannquit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaat nr. 22, 1. december 2021-meersumi tulliuttut allanngortinneqassapput:</p>
<p>§ 5, imm. 2:</p> <p>”Naalakkersuisut taarsigassarsiatut aningaasaliissutissat imm. 1 naapertorlugu Nukissiorfiit taarsigassarsiteqqissinnaavaat, inatsit naapertorlugu sanaartugassat aningaasalersorneqarnissaannut atatillugu.”</p>	<p>1. § 5, imm. 2, imannak oqaasertalerneqarpoq:</p> <p>” Naalakkersuisut imm. 1 naapertorlugu taarsigassarsiarineqartut, sanaartugassat Inatsisartut inatsisaanni matumani pineqartunut ilaasut aningaasalersorneqarnissaannut, Nukissiorfinnut imaluunniit aktiaatileqatigiiffimmut Namminersorlutik Oqartussanit pigineqartumut taarsigassarsiariteqqissinnaavaat .”</p>
<p>§ 6.</p> <p>”Naalakkersuisut pisinnaatitaapput sanaartornermut, aningaasalersuinermut aamma ingerlatsinermut iluaqutissartaqarpat namminersortumut imaluunniit namminersortunut arlaqartunut isumaqatigiissuteqarsinnaanermut sanaartornermut, aningaasalersuinermut aamma ingerlatsinermut sanaartukkanut tunngatillugu, aammalu piffissap ersarinnerusumik aalajangersarneqartup iluani erngup nukinganik iluaquteqarluni nukissiorfiit atortulersuutitaat ilanngullugit</p>	<p>2. § 6 imannak oqaasertalerneqarpoq:</p> <p>” Suliassat §§ 2-4-mi pineqartunut ilaatinneqartut aningaasartuutilu taakkununnga attuumassuteqartut aktiaatileqatigiiffimmut Namminersorlutik Oqartussanit pigineqartumut tamakkiisumik ilaannakortumilluunniit tunniunneqassasut, Naalakkersuisut aalajangersinnaavaat.</p> <p><i>Imm. 2. Namminersorlutik Oqartussat aktianit aningaasaatit aammalu taarsigassarsianit aningaasaatit akisussaaffigineqartut akiliutigissagaat pillugu aktiaatileqatigiiffimmi</i></p>

Naalakkersuisunut tunniunneqarsimanissaannik.”	Namminersorlutik Oqartussanit imm. 1 naapertorlugu pigineqartumi taarsigassarsitsisunut avataaneersunut pisussaaffiliisumik uppernarsaanissamut Naalakkersuisut piginnaatinneqarput.”
	<p style="text-align: center;">§ 2</p> <p>Inatsisartut inatsisaat ulloq 1. decembari 2022 atuutilerpoq.</p>

Tusarniaanermut allagaat

**Uunga siunnersuut: Nuup kiisalu Qasigiannguit Aasiaallu pilersorneqarnerannut
erngup nukinganik nukissiorfinnik taakkununngalu atatillugu atortunik
sanaartornermut, aningaaalersuinermut ingerlatsinermullu killiliussatut
atugassarititaasut pillugit Inatsisartut inatsisaat nr. 22, 1. december 2021-meersup
allanngortinnissaa pillugu Inatsisartut inatsisaat**

Aallaqqaasiut

Nuup kiisalu Qasigiannguit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaaalersuinermut i-ngerlatsinermullu killiliussatut atugassarititaasut pillugit Inatsisartut inatsisaanni (sanaartornermut inatsimmi) ilaasuni erngup nukinganik nukissiorfinnik sanaartornerit aningaausatigut sapinngisamik pitsaanerpaamik aningaaasaliinissaq pillugu aalajangiinissamik aamma isumaqatigiissutissamik isumaqatiginninniarnissaq pillugit Naalakkersuisunut annertusisamik pisinnaatitsissummik tunniussaqarnissamik siunnersuut siunertaqarpoq.

Inatsisissatut siunnersuummut tamatigoortunik oqaaseqaatit

Sanaartornermut inatsimmi ilaasunik erngup nukinganik nukissiorfiit sanaartornissaannut aningaausatigut sapinngisamik pitsaanerpaamik aningaaasaliinissaq anguniarlugu toqqammavissanik atugassarisanillu isumaqatiginninniarnissamut Naalakkersuisunut pisinnaatitsissutip annertusisinnissaanut tamatigoortumik akuersissuteqartoqartoq tusarniaanerup takutippaa.

Kattuffiit, pisortaqarfiit il.il. tusarniaaffigisanut tunngasutut ataatsimut isiginniffik
Ulloq 3. agusti 2022-mi tusarniaanermut akissuteqarnissamut killifflerlugu inatsisissatut siunnersuut tamanut ammasumik 3. juuli 2022-mi tusarniaassutaalersimavoq. Piffissami tassani siunnersuut tusarniaanermut allattuiffimmi nalunaarneqartunut pisortaqarfinnut, kattuffinnut, peqatigiiffinnut il.il. nassiunneqarsimavoq:

Avannaata Kommunia
Kommune Qeqertalik
Qeqqata Kommunia
Kommuneqarfik Sermersooq
Kommune Kujalleq

KANNUPE

SIK (Sulinermik Inuussutissarsiuteqartut Kattuffiat)

Sulisitsisut

Mittarfeqarfiiit

Nukissiorfiit

Royal Arctic Line A/S

Asiaq

Grønlandsbanken A/S

BankNordik

Visit Greenland

Transparency Greenland

WWF Greenland

KNAPK

Pinngortitaleriffik

Timmiaq

KNI A/S

Nunatta Kaersugaasivia Allagaateqarfialu

Makkunanit tusarniaanermut akissutit tiguneqarput

- Sulisitsisut
- Kommuneqarfik Sermersooq

Tusarniaanermut allakkamik matumunnga ilaqaqtillugit tusarniaanermut akissutit

www.naalakkersuisut.gl-imi tusarniaassutinik nittartakkami tamanut saqqummiunneqarput.

Sulisitsisunit tusarniaanermut akissut

Sulisitsisut nalunaarpaat:

"Pitsaanerpaamik aningaasaliinerup pissarsiariniarnissa sianigalugu erngup nukinganik nukissiorfinnik taakkuningga marlunnik sanaartornissamik isumaginnittussamik aktianik piginneqatigiiffiup pilersinnejarnissaanik kissaateqartoqarnera Sulisitsisut paasisinnaavaat.Piffissami aalajangersimasumi ingerlatseqatigiiffiup ingerlatsisuunissa inatsiserpiami erseqqissumik takuneqarsinnaanngilaq, oqaaseqaatinili imatut allassimasoqarluni, "Siunnersuutikkut makku periarfissinnejalissapput: sanaartornermut inatsimmi ilaasutut erngup nukinganik sanaartornerit, aningaasaliinerit aamma ingerlatsinerit namminersorlutik oqartussat tamakiisumik imaluunniit ilaannakortumik pigisaattut aktianik piginneqatigiiffimmut tunniunnejarnissaat.

Nunami maani innaallagialerinerterik ingerlatseqatigiiffinnik marlunnik pilersitsisoqarnissaq tulluartuunngitsoq Sulisitsisut isumaqarfigaat. Nukissiorfiit aktianik

piginneqatigiiffingortinnissaa, imaluunniit Namminersortutut Pisortat Suliffeqarfianik (Selvstændig Offentlig Virksomhedimik (SOV-imik)) pilersitsisoqarnissaq tulluarnerussannginnersoq isumaliutigisariaqarpoq, allatullu qinigassatut suliniummut ingerlatseqatigiiffiup piffissap aalajangersimasup kingornatigut atorunnaarsinnissaa pillugu aalajangersakkamik inissiisoqartariaqarpoq, tamatuma kingornatigut erngup nukinganik nukissiorfiit Nukissiorfinnut tunniunneqassallutik.

Erngup nukinganik nukissiorfiit ingerlannissaannut Nukissiorfiit suli isumaginnittuusussaanerat Sulisitsisut naatsorsuutigaat, tamatumunngami Nukissiorfinni piginnaasaqartoqarmat. Nutaamik ingerlatseqatigiiffiliortoqassappat Nukissiorfiit ingerlatseqatigiiffiullu nutaap akornanni isumaqatigiissutilortoqarnissaq qularnaartariaqarpoq, taamaalillutik piginnaasat killeqartut ingerlatseqatigiiffinnut arlalinnut siammartinneqassanngimmata.

Pisortanut aningaasatigut kingunerisinnaasanut oqaaseqaatini allassimavoq siunnersuut pisortanut aningaasaqarnikkut imaluunniit allaffissornikkut kingunerisassanik nassataqassanngitsoq.

Tamatuma itisilernissaa Sulisitsisut inassutigissavaat, taamaalilluni aktianik piginneqatigiiffiup siulersuisoqarlunilu, pisortaqrfeqararlunilu sulisartortaqartumik pilersitsinermi aningaasaqarnikkut kingunerisassaqanngitsoq takuneqarsinnaalissammat. Aktianik piginneqatigiiffiuneratigut ilassutitut aningaasartuutit pitsaanerusumik aningaasaliinermit naligiissifflusinnaanissaat pisinnaavoq.

Aktianik piginneqatigiiffiliornermi pitsaanerusumik aningaasaliissutaasumut tassunga naatsorsuutigisanut sanilliullugit taamatut annertussusilersinnaaneratigut aningaasartuutit qanoq annertutiginissaat takuneqarsinnaasariaqarput. Aamma Nukissiorfimmik allanngortsinermi aningaasaqarnikkut kingunerisassat nassuiarnissaat Sulisitsisut inassutigerusuppaat, taamaalillutik ilutsini taakkunani marlunni aningaasaqarnikkut iluaqutit/ajoqutit sorliuneri takuneqarsinnaassammata.

Naalakkersuisut oqaaseqaataat

Nukissiorfiit atuisartunik innaallagissamik aamma avataanit kiassarermik pilersuiuarnissaanik, aammalu Nukissamik pilersuineq pillugu Inatsisartut peqqussutaat nr. 14, 6. novembari 1997-imeersumi aalajangiunneqartutut illoqarfinni nunaqarfinnilu atuisartunut sunniuteqarluartumik naammattumillu innaallagissamik avataaniillu kiassarermik pilersuinerup attannissaanut Nukissiorfiit allannguuteqanngitsumik pisussaaffeqarnissaanik siunnersuut allanngorttsinngilaq. Taamaattumik Nukissiorfiit aktianik piginneqatigiiffittut allanngortinnissaanik, imaluunniit Namminersortutut Pisortat

Suliffeqarfianik (Selvstændig Offentlig Virksomhedimik (SOV-imik)) pilersitaqarnissamik Naalakkersuisut pilersaaruteqanngillat.

Erngup nukinganik nukissiorfinnik sanaartornerup, aningaasaliinerup ingerlatsinerullu Namminersorlutik Oqartussat pigisaattut aktianik piginneqatigiiffimmik tunniunnissaanut siunnersummi allisatut pisinnaatitsissutip iluaqtiginissaa toqqarneqassappat tamanna sanaartornermut inatsimmi ilaasutut erngup nukinganik nukissiorfinnik sanaartornermut aningaasatigut sapinngisamik pitsaanerpaamik aningaasaliinissaq qulaarnaarniarlugu pissaaq. Aktianik piginneqatigiiffik siulersuisoqarlunilu, pisortaqarfeqarlunilu sulisartoqartup pilersinnerani aningaasaqarnikkut kingunerisassat takuneqarsinnaalersillugit itisiliisoqassasoq Sulisitsisut inassutigaat.

Sapinngisamik pitsaanerpaamik aningaasaliinissamik isumaqatiginninniarnerup inississinnaanissa siunertaralugu erngup nukinganik nukissiornermik suliarisat, tassungalu attuumassutilittut pigisat nalillit allatut aaqqissuunnerisigut aningaasaqarnermi naatsorsuuserinermilu tunngasutut kinguneqartitsisoqassanera Naalakkersuisut isumaqatigaat. Ataatsimut nalilersuutaavoq aktianik piginneqatigiiffiliornermut atasutut ilassutitut aningaasartuutit pitsaanerusumik aningaasaliinerup nassatarisaanik sipaarutaasunik naligiissifiussasut. Taamaattorli aktianik piginneqatigiiffiliornermi aningaasaqarnermi naatsorsuuserinermilu tunngasutut kingunerisassanik inaarutaasumik naatsorsuinerit aatsaat taarsigassarsisitsisullu tamakkiisumik aningaasaliinissamik piumasaqaatit atugassarisallu pillugit isumaqatigiissuteqareernerisigut naatsorsorneqarsinnaassapput. Namminersorlutik Oqartussat pigisaattut aktianik piginneqatigiiffimmik nutaatut pilersitamik isumaqatigiissuteqarluni Nukissiorfiit erngup nukinganik nukissiorfiit nutaat taakku ingerlatarivinnissaannik isumaginnittussaanera akunnaatsumik aamma ingerlatsinermut aningaasaqarnikkullu tunngatillugit pinngitsoorani tunngavissaqartoqarneranik tapersersuivoq. Taamaattumik ingerlatseqatigiiffik nutaaq pilersinneqassappat Nukissiorfiit erngup nukinganik nukissiornerup iluani piginnaasaanik sapinngisamik pitsaanerpaamik iluaquqarniarluni Nukissiorfiit aamma ingerlatseqatigiiffiup taassuma nutaap akornanni isumaqatigiissusiortoqarnissaata qularnaarnissaa Naalakkersuisut Sulisitsisutulli isumaqarfigaat.

Kommuneqarfik Sermersuumit tusarniaanermut akissut

Tusarniaanermut tassunga kommuni oqaaseqaatissaqanngitsoq Kommuneqarfik Sermersuup ilisimatitsissutigisimavaa.